



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Ioannis Evsebii Nierembergii Vita Divina, Sev Via
Regia Ad Perfectionem**

Nieremberg, Juan Eusebio

Monasterii Westphaliae, 1642

Benevolo Lectori Interpres.

[urn:nbn:de:hbz:466:1-46790](https://nbn-resolving.org/urn:nbn:de:hbz:466:1-46790)

AD

giana Tibi verba, sensumque & mentem, quantum assequi potui, religiosè, & cum fide redhiberem: adeò quidem, ut futuros vix dubitem, quibus nimia ista mea diligentia minus probetur; censeantque, venustius pleraque & nitidius Romano sermone exhibenda fuisse. Ego verò, ô Boni, etiam simplicius nonnulla transtulisse velim. Libellum Phraëon si petitis; nullo negotio plures indicavero: immo ad Veteres mitam, pura vereque Latinitatis primos soloque Conditores. Hic talium elegantiarum nihil admodum invenietis: invenietis autem, quæ, si in animum seriò admittatis, exerceatisque, revera bonos Vos probosque, hoc est, DEO gratos efficiant. Aliud si queritis; aliam, suadeo, quercum excutiatis. Manum & qualemcumque Opellam nostram, ceterarum scripturum negligentes, Pietati dicavimus; Lectorum utilitatem potius, quàm plausum vocésque inanes spectantes. Quâ tamen ipsâ si quis defungi me potuisse existimat; ei cum alia respondere possem, ad Libri illum argumentum remitto: quod ejusmodi esse cognoscet, ut satis inculcari explicarique numquam possit. quippe quo uno Sanctitatis omnis ratio perfectè absolvitur; cum velle doceat

&

LECTOREM.

Et facere, quod vult DEVS. Miseros nos, atque iterum miseros, si alia discamus omnia, Et unum istud tam necessarium malè ignoremus! Scio equidem, Et nominare possim, è Sodalibus meis aliisque plures, qui his annis proximis, de Voluntas Humana cum Divinâ conformatione, Dissertationes præclaras vulgârunt: verum quantulum, obsecro, post tot Monitores Et Curatores, Voluntas nostra ad bonitatem se flecti patitur! Idcirco nimium quantum indocili, novum hunc Magistrum dare placuit. cuius si saluberrima consilia Et præsentissima remedia admittet, sine dubio sanabitur: sin pertinaciter aspernabitur, inemendabilem pravitatē corrigi posse, usquequaq; despero.

Auctoritates porro Et testimonia, quibus extremam paginarum oram, caractere quàm vellem minore, passim adpersam vides, à me Et amicis sunt adjecta: in quibus colligendis opera penè temporisque plus positum, quàm in translatione ipsâ. quò facilius ignosces, BENIGNE LECTOR, locis aliquot conatum nostrum frustra fuisse, eaque primi Scriptoris fidei, securus mecum committes. Eiusdem IESV Et MARIE Amores, si VITAM probaveris, aliquantò liberiore Tibi calamo deinceps,
Supe-

AD LECTOREM.

Superis bene juvantibus, representaturos pollicemur. Interea valebis optime, & commodis Tuis operanti, unicam hanc à DEO gratiam interdum petere dignaberis, ne iis annumeretur, qui pessimorum Doctorum emuli, scribunt ac dicunt, & non faciunt.

Errata Typographica, si quæ alicujus momenti occurrent, ea sub finem libri indicabimus; leviuscula, & à quovis, primo adspectu, observanda, adnotare omittemus. Ignosce, ubi Tibi displicemus, errantem mone, & amicissime salve.

FA-